



Grad Tuzla

Na osnovu člana 5. Pravilnika o utvrđivanju postupka i kriterija za raspodjelu sredstava za sufinansiranje projekata Romske populacije, putem Romskih O.C.D („Službeni glasnik Općine Tuzla“, broj 10/15), Služba za razvoj, poduzetništvo i društvene djelatnosti Grada Tuzla, dana 23.10.2015. godine, objavljuje:

JAVNI POZIV za raspodjelu sredstava za sufinansiranje projekata Romske populacije, putem Romskih O.C.D sa područja grada Tuzla

I Predmet javnog poziva:

Služba za razvoj, poduzetništvo i društvene djelatnosti Grada Tuzla poziva sve Romske organizacije civilnog društva (u daljem tekstu Romske OCD) sa područja grada Tuzla da dostave prijedloge projekata iz oblasti obrazovanja, koji su u skladu sa razvojnim ciljevima Grada Tuzla, a iz sljedećih prioriternih oblasti:

- **Obrazovanje** (poboljšanje standarda učenika i studenata koji se školuju, a imaju stalno prebivalište u gradu Tuzla)

U Budžetu Grada Tuzla za 2015. godinu, obezbjeđen je Grant za pomoć Romskoj populaciji u iznosu od 20.000,00KM

Grad Tuzla zadržava pravo da ne dodijeli sva dostupna finansijska sredstva.

Namjenskim budžetskim sredstvima Grada Tuzla zainteresovani aplikanti mogu sufinansirati projekat kojim apliciraju, a dio sredstava mogu osigurati od drugih donatora.

Po apliciranom projektu se maksimalno može dodijeliti 10.000,00 KM.
Svaki aplikant može aplicirati sa maksimalno 3 projekta.

Odobrenim budžetskim sredstvima aplikanti mogu finansirati administrativne troškove i troškove osoblja u maksimalnom iznosu od 20%, dok preostali dio od 80%, aplikanti su dužni predvidjeti za programske aktivnosti podržavanog projekta.

II Pravo učešća:

Pravo učešća na Javni poziv mogu ostvariti Romske O.C.D sa sjedištem na području grada Tuzla (u daljem tekstu: aplikanti) čije su programske aktivnosti usmjerene na stvaranje uslova i klime za razvoj i unapređenje položaja Romske populacije u oblasti obrazovanja, na području grada Tuzla.

Sredstva se mogu dodijeliti i aplikantima sa sjedištem izvan grada Tuzla, a koji su registrovani na području Bosne i Hercegovine, samo u slučaju ako je implementacija konkretnog projekta od interesa za grad Tuzla, što će se cijeliti u svakom konkretnom slučaju.

Na Javni poziv mogu se prijaviti aplikanti koji moraju zadovoljiti slijedeće opće uslove:

- a) da su osnovani i registrovani u Bosni i Hercegovini,
- b) da su vođeni od strane državljana Bosne i Hercegovine,
- c) da ne obavljaju aktivnosti u ime političkih partija
- d) da svoje aktivnosti realizuju na području grada Tuzla,
- e) da su projekti namijenjeni Romskoj populaciji grada Tuzla,
- f) da se projekti odnose na oblasti koje je Grad odredio kao prioritetne prema strateškim dokumentima,
- g) da se radi o projektima čija se implementacija završava najkasnije do 31.12. tekuće godine.

III Prijavna dokumentacija:

Prijava na Javni poziv podnosi se na prijavnom obrascu.

Obrasci/smjernice sa uputstvima za prijavu projekata objavljuju se na oglasnoj tabli i web stranici Grada Tuzla (grad.tuzla.ba).

Aplikanti dostavljaju projektni prijedlog nadležnoj Službi, putem protokola Grada Tuzla (Centar za pružanje usluga građanima) i isključivo putem prijavnog obrasca.

IV Predaja aplikacija:

Prijave na Javni poziv na propisanim obrascima (sa kompletnom zahtjevanom dokumentacijom), u zatvorenoj koverti, potrebno je dostaviti na protokol Grada Tuzla (Centar za pružanje usluga građanima) ili poslati preporučenom poštom na adresu:

GRAD TUZLA
Služba za razvoj, poduzetništvo i društvene djelatnosti
Ulica ZAVNOBIH-a broj 11
75000 Tuzla

sa obaveznom naznakom:
za
„JAVNI POZIV“
za raspodjelu sredstava za sufinansiranje projekata Romske populacije, putem
Romskih O.C.D sa područja grada Tuzla

Javni poziv je otvoren **15 dana** od dana objavljivanja, odnosno od **26.10.2015. godine.**

Aplikacije dostavljene nakon navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka.

Projektni prijedlozi sa nepotpunom dokumentacijom i dostavljeni izvan predviđenog roka, neće se uzeti u razmatranje

O primljenoj pošiljci u Gradu Tuzla će se voditi uredna evidencija i izdavati potvrde o prijemu.

Sve dodatne informacije o načinu i postupku učešća u Javnom pozivu mogu se dobiti u Službi za razvoj, poduzetništvo i društvene djelatnosti Grada Tuzla, direktno ili putem telefona: 035/307-415, 307-334.

Svi aplikanti čiji su prijedlozi projekata prihvaćeni, biti će obaviješteni u pisanoj formi u roku od 15 dana nakon završetka rada Komisije za ocjenjivanje projekata.

Rezultati će biti objavljeni na web stranici Grada Tuzla: grad.tuzla.ba .

Informativni sastanak sa potencijalnim aplikantima, u vezi sa Javnim pozivom, održati će se u zgradi Gradske uprave Tuzla, u petak 30.10.2015. godine u 10,00 sati u sali za sastanke Grada Tuzla (prizemlje), ulica ZAVNOBIH-a br. 11.